



Jess Svane,
Inatsisartunut ilaasortaq

§ 37 apeqqut nr. 159-imut Qeqertarsuarmi imermik suliniut 938 pillugu akissuteqaat

Inatsisartut suleriaasianni § 37, imm. 1 malillugu Qeqertarsuarmi imermik suliniut 938 pillugu Naalakkersuisunut apeqquteqarsimavutit. Apeqqut oqartussaaffigisanniit akineqartussanngorlugu ingerlateqqinneqarsimavoq.

1. Naalakkersuisunit ilisimaneqarnerluni imermik tunisassiorfimmi 938-imi nutaamik maqitsivimmik ikkussuineq qanoq ingerlanersoq?

Akissut:

Ingerlatseqatigiiffiup GSW-ip nalunaarutigaa, maqitsivik nutaaq maskiinaanngitsumik sulisoqarnarnerusoq toqqarnikuusimammat. Ingerlatseqatigiiffiup naatsorsuutigaa, taamatut mikinerusumik maqitsiveqalernerup ikkussuinermi sulineq sukkanerulersillugulu ajornannginnerulersissagaa. GSW ingerlaavartumik Naalakkersuisoqarfimmut attaveqaateqarpoq.

2. Naalakkersuisut oqaatigisinnaanerlugu imermik 938-imik tunisassiorneq ulloq suna aallarteqqinniarneqarnersoq?

Akissut:

Ingerlatseqatigiiffiup nalunaarutigaa, naatsorsuutigalugu 2015-ip ukiuani tunisassiorneq aallartissinnaallugu nutaamik maqitsivimmik ikkussuisoqareerneratigut.

3. Imermik tunisassiornermi inuit qassit pisariaqartinneqarnerusut Naalakkersuisunit ilisimasaqarfigineqarpa?

Akissut:

Ingerlatseqatigiiffiup nalunaarutigisimavaa, naatsorsuutigalugu sulisussanik amerlanerusunik atorfinitsitsinissartik maqitsivimmi nutaami tunisassioriaatsimi maskiinaanngitsunik sulisoqarnissaa pisariaqartinneqarnerussagami. Taamaasilluni naatsorsuutigineqarpoq ukiumut qaammatini 7-8-ini inuit 5-8-it atorfinitsinneqarumaartut.

Inussiarnersumik inuulluaqqusillunga
Med venlig hilsen

Vittus Qujaukitsoq